

1

ექტომბერი

რიგითი XXVI კვირადღე, «ა», [II], მწ

2017

ვვირთა

ებეკ 18,25-28; ფს 24; ფილიპ 2,1-11; მთ 21,28-32

მისიონერთა თვე

მებაყენი და მებაყნი შეგასწრებენ ღვთის სასუფეველში მთ 21,31

დიახ, ასე მოხდება, თუკი გცხოვრობ დარმუნებული
იმაში, რომ პრინციპში დიდი არაფერი ჩამიდენია და
შესაბამისად, მიმაჩნია, რომ წესრიგში ვარ ღმერთის
წინაშე. ჩემზე დიდ ცოდვილთ კი, თუკი აღიარებენ
თავიანთ ცოდვას და განიცდიან მის მიტევებას, შე-
ეძლებათ ნამდვილად შეცვალონ და შემოაბრუნონ
თავიანთი სიცოცხლე ღმერთის მითითებისამებრ.
უმჯობესია მოექცე, ვიდრე თავი მოიტყუო!



2 ოქტომბერი

რიგითი XXVI კვირა [II], თ

წმ. მფარველ ანგელოსთა, (მ) [ს]

2017 ორშაბათი

გამ 23,20-23; ფს 90; მთ 18,1-5.10

ვინც მიიღებს ერთ ასეთ ბავშვს
ჩემი სახელით, მე მიმიღებს მთ 18,5

„ჩემი სახელით“: იესო გვიწვევს, იგი დავაყენოთ პირველ ადგილზე ყოველ საქმეში, ყველაზე მცირეშიც, როგორიც შესაძლოა იყოს პატარების მოფერება. ისინი, და არამხოლოდ ისინი, ვერ დაგვიბრუნებენ, მაგრამ თავად იესო, რომელიც იყო ჩვენი სიყვარულის ქმედების საბაბი, მოდის ჩვენთან, თავისი სიხარულით. შევახსენოთ დღეს ჩვენს ბავშვებს, რომ მამამ მიანიჭა მათ საოცარი ანგელოზი, მუდამ რომ გვერდში ჰყავთ და იცავს, და რომელთანაც შეუძლიათ საუბარი!



3 ოქტომბერი

რიგითი XXVI კვირა [II] მწ

2017 სამშაბათი

ბაქ 8,20-23; ფს 86; ლკ 9,51-56

თქვენთან წამოვალთ, რადგან გაგებთ
გვაქვს, რომ თქვენთან არის ღმერთი ^{ბაქ 8,23}

დაე, ჩვენმა, ქრისტიანთა დამოწმებამ,
განსაკუთრებით კი დღეს ჩემმა, აჩვენოს იესოს
გამოცხადების ჭეშმარიტება და ვინმეს მაინც
განაცხადებინოს სიყვარულისა და მშვიდობის
ღმერთის სიყვარულით სავსე ყოფნა და სიახლოვე!



4 ოქტომბერი

რიგითი XXVI კვირა [II], თ

ნმ. ფრანცისკე ასიშელი, +1226, (მ)

2017 ოთხშაბათი

ნეემ 2,1-8; ფს 136; ლკ 9,57-62

მ. იან სნჯინსკის გახსენება (+2011)

ჩემი ცვირთი ცკბილია მთ 11,30

ამ სიტყვების სიმართლე განიცადა წმიდა
ფრანცისკემ, რომლის დღესაც აღნიშნავს დღეს
ეკლესია. მან, მას შემდეგ, რაც საკუთარ ვნებათა
და ამბიციათა სასტიკ ბატონს ემსახურა, განიცადა
ლალი და მშვიდი, ღრმა და აუმაღვრეველი
სიხარული, რომელიც მოედინებოდა სიყვარულით
მასთან შესახვედრად გამოსული იესოს მკლავებში
ბავშვით განაბებიდან.

წმიდაო ფრანცისკე, გასაჭირის შუაგულშიც იესოს
სიხარულით სავსე მგალობელო, ილოცე ჩვენთვის!



5 ოქტომბერი

რიგითი XXVI კვირა [II] მწ

ნმ. ფაუსტინა კოვალსკა, მონაზ., +1938

2017 ხუთშაბათი

ნე 8,1-4.5-6.7-12; ფს 18; ლკ 10,1-12

გვზავით როგორც კრავებს
მგლებს შორის ლკ 10,3

კრავებს არ ძალუძთ დაუშავონ რაიმე მგლებს.
იესოს მოწაფეებს არა სურთ რაიმე დაუშავონ
ვინმეს, რადგან მათი რჯული მამა ღმერთის
უსასრულო სიყვარულია, მათი იარაღი კი
მიტევებაა. ამგვარად ისინი გაიმარჯვებენ „მგელზე“,
ნადირზე, რომელსაც მხოლოდ სიკვდილის თესვა
ხელეწიფება. მახსოვს ორიოდე წლის წინანდელი
სიტყვები, ახალგაზრდა მამა რომ ეუბნებოდა
თავისი ცოლის მკვლელებს: „ვერ ეღირსებით
სიძულვილს ჩემგან, ვერც ჩემი შვილისგან“.



6 ოქტომბერი

რიგითი XXVI კვირა [II] მწ

მმ. ბრუნო, ბერი, +1101

2017 პარასკევი

ბარ 1,15-22; ფს 78; ლკ 10,13-16

არ ვისმინეთ უფლის ხმა ბარ 1,21

ამ ნაკლის შედეგად ერმა იწვნია მძიმე უბედურება. ჩვენთვისაც უფლის ხმის მოსმენა ერთადერთი გზაა ნამდვილი კეთილდღეობისათვის, ჩვენს შორისა და ჩვენს შიგნით მშვიდობისათვის.

მადლობა, უფალო, რომ ჩვენი ცხოვრება გადარდებს და გველაპარაკები: ძმათა საკრებულოში შენი სახელით შეკრებილებს, შენი სიყვარულით ნაძერწ და მოვლენილ მწყემსებში, ჩვენი გულების სიღრმეში, როდესაც სუფთა გვაქვს ის!



7 ოქტომბერი

რიგითი XXVI კვირა [II], თ

სავარდის ნეტარი ქალწული მარიამი, (მ)

2017

შაბათი

ბარ 4,5-12.27-29; ფს 68; ლკ 10,17-24
(ან, საქმ 1,12-14; საგ. ლკ 1,46-55; ლკ 1,26-38)

ახალციხის კათოლიკური ეკლესიის დღეობა

**ვინც თავზე დაგატყხათ უბედურება,
სატყუონო სიხარულისაჲ მოგივლენთ** ბარ 4,29

ბარუქ წინასწარმეტყველმა შესაძლოა გვაფიქრებინოს დამსჯელ ღმერთზე. ბიბლიურ ენაზე ყოველივე მიეწერება ღმერთს, რათა გამოხატოს მისი უზენაესობა. მაშასადამე, არ უნდა ვხედავდეთ მის სასჯელს ჩვენი ცოდვის შედეგებში. მან თავისუფლები შეგვქმნა და გვთავაზობს მარადიული სიხარულის შესაძლებლობას, უკვე ახლავე რომ იწყება. თუკი უარს ვიტყვით ამ შემოთავაზებაზე და ავირჩევთ იმას, რასაც დაღუპვამდე მივყავართ, აღმოვჩნდებით ყელამდე იმ ბოროტებაში, რისგანაც მან თავის დროზე გაგვაფრთხილა და რისი აცილებაც სურდა ჩვენთვის. მაღლითა და მარადიული სიხარულით სავსე მარიამ, ილოცე ჩვენთვის, ცოდვილთათვის!



8 ოქტომბერი

რიგითი XXVII კვირადღე, «ა», [III], მწ

2017

ვ ვ ი რ ა

ეს 5,1-7; ფს 79; ფილიპ 4,6-9; მთ 21,33-43

მშენებლებისაგან დაწუნებული ქვა ქვაკუთხედად იქცა მთ 21,42

ამ სიტყვას სურს დაგვეხმაროს, ყოველ საქმიანობაში ვეძიოთ უფლისათვის სათნო. მართლაც, მხოლოდ მაშინ, როცა ჩვენი ცხოვრება მის ხელთაა, ის იძენს მნიშვნელობას და გამოაქვს ნაყოფი. ჩვენ არ ავედევნებით მოდასა და ცრუ წინსვლას; იესოსთან ვართ ერთობაში, წმიდა ეკლესიის ქვაკუთხედთან!



9 ოქტომბერი

რიგითი XXVII კვირა [III] მწ

ნმ. დიონისე ეპ. და მეგ., ნამ., +III ს.

2017 ორშაბათი

იონ 1,1 – 2,1.11; საგ.: იონ 2,3-5.8; ლკ 10,25-37

მ. პეტრე ხარისჭირაშვილის მოხსენიება (+ 1892)

ვინაა ჩემი მოყვასი? ლკ 10,29

მე ვარ ყოველი ადამიანის მოყვასი, რაკი ყოველი ადამიანი უყვარს ღმერთს. ყოველი ადამიანი, არამხოლოდ ის, სათნოებით სავსე, არამედ ბოროტის კლანჭებით დაფლეთილიც, სიძულვილით სავსე და სიკვდილის მთესველი. დიახ, იმ ჩემი მოყვასისთვისაც გაიღო იესომ თავისი სისხლი: ვიზრუნებ მასზე, ლოცვის 'ღვინოსა და ზეთს' დავასხამ მის იარებს, რათა მოექცეს და განიკურნოს.



10 ოქტომბერი

რიგითი XXVII კვირა [III] მწ

2017 სამშაბათი

იონ 3,1-10; ფს 129; ლკ 10,38-42

შეხედა ღმერთმა მათ საქციელს,
რომ დააგდეს ბოროტების გზა იონ 3,10

„...და ინანა ბოროტება, რისი მოწევაც სურდა
მათზე“. მაგანი ფიქრობს, რომ ღმერთი
დიეტატორსა ჰგავს, რომელიც ერთს იტყვის და
აღარასოდეს გადათქვამს... არაა ასე! ღმერთი
მამაა, რომელსაც სურს ჩვენთან თანხმობაში
იმოქმედოს: ყოველივე, რასაც ჩვენ ვაკეთებთ,
მისი გულში თავისი ფასი ადევს. ასეც კი შეგვიძლია
ვთქვათ: იგი ჰგავს ნამდვილ შეყვარებულს,
ნამდვილ საქმროს, რომელსაც ჩვენი სიყვარულით,
ყველაფერს გავაკეთებინებთ!



11 ოქტომბერი

რიგითი XXVII კვირა [III] მწ

2017 ოთხშაბათი

იონ 4,1-11; ფს 85; ლკ 11,1-4

მოგვიტევე ჩვენი ცოდვანი ლკ^{11,4}

მადლობა, იესო, რომ ჩვენთვის მოცემულ ლოცვაში
ჩაღე ეს მცირე, მაგრამ ესოდენ მნიშვნელოვანი
თხოვნა! შესაძლოა ვერც კი ვხვდები, როდის
განმწმედს მე შენი სისხლი იმისაგან, რაც იშვა
ჩემი ამპარტავნებისა და თავკერძობისაგან,
აღმოვჩნდები დახსნილი და მშვიდი, ნამდვილი
და ღრმა, სიხარულის ურთიერთობების შემძლე.
იესო, კვლავაც გავიმეორებ, მუდამ სასოებით:
„მოგვიტევე ჩვენ შეცოდებანი ჩვენნი“!



12 ოქტომბერი

რიგითი XXVII კვირა [III] მწ

2017 ხუთშაბათი

მაღ 3,13-20ა; ფს 1; ლკ 11,5-13

მოუთუვლი მათ, როგორც მამა თუვლის
თავის შვილს ლკ 3,17

ღმერთის რა მშვენიერი დაპირება გვესმის მაღაქიას
პირიდან! რაოდენი სიმშვიდით, მშვიდობითა და სა-
სოებით გვაგვებს! მადლობა, იესო, რომ დაგვარწმუ-
ნე, რომ ღმერთი ჭეშმარიტად მამაა ჩვენი, ზრუნვით
რომ გვიყურებს როგორც შვილებს: „თქვენ, ბოროტ-
ნი თუკი აძლევთ კარგ რამეებს თქვენს შვილებს,
რაოდენ უფრო მეტად მამა თქვენი...!“



13 ოქტომბერი

რიგითი XXVII კვირა [III] მწ

2017 პარასკევი

იოვ 1,13-15; 2,1-2; ფს 9; ლკ 11,15-26

ახლოვდება უფლის დღე იოვ 1,15

როდესაც ახლოვდება შენი დღე, უფალო, ანუ, როდესაც შენ მოქმედებ ჩემს ცხოვრებაში, ან ჩემი ძმებისა თუ მთელი ერის ცხოვრებაში, ყოველთვის ცხონების ჟამია: შენ სხვა არა შეგიძლია რა, თუ არა ჩვენი სიყვარული, მუდამ! შენი მხრიდან შესწორებებიც სიყვარულია. მადლობა იმ ჯერზეც, როცა შესაძლოა გამიჭირდეს შენთვის ამის თქმა!



14 ოქტომბერი

რიგითი XXVII კვირა [III] მწ

წმ. კალიქსტე I, პაპი და წამ., +222;

(1.X) დღესასწაული კვართისა; წმმ. მირიან და ნანა, IV ს.;
წმ. მელქისედეკ I, კათოლიკოს-პატრიარქი +1033

2017

შ ა ბ ა თ ი

იოვ 4,12-21; ფს 96; ლკ 11,27-28

ნეტარნი არიან ისინი,
ვინც ისმენენ ღვთის სიტყვას ლკ 11,28

მეც შემიძლია დავაგემოვნო იესოს მთელი
სიყვარული; მეც შემიძლია ვიფიქრო და ვიზრუნო
მასზე, როგორც დედა საკუთარ შვილზე; მეც
შემიძლია ვიყო 'დიდი' მის გულში! ამის გზას
მასწავლის მისივე დედა: იყო ყურადღებიანი და
გულლია მამის ყოველს სიტყვაზე, ყოველივე იმაზე,
რაც მას სწადია ჩემთვის.



15 ღქტომბერი

რიგითი XXVIII კვირადღე, «ა», [IV], მ6

2017

კვირა

ეს 25,6-10; ფს 22; ფილიპ 4,12-14.19-20; მთ 22,1-14

წვეული ბევრია, რჩეული კი ცოტა მთ 22,14

საქორწილო სამოსი, რაზეც დღეს გვესაუბრება
იესო და რომელიცაა რჩეულობის ნიშანი,
გვაფიქრებს, და ვითხოვთ სული წმიდის ნათელს.
შესაძლოა გაგვახსენოს იესო, რომელიც თეთრ
და ნათლითმოსილ სამოსის მსგავსად მოსავს მას,
ვინც ღებულობს მას წმიდა ნათლისღებაში და
ყოველდღიურად ღებულობს მისგან აზრებსა და
სურვილებს, ანუ, სიცოცხლეს.



16 ოქტომბერი

რიგითი XXVIII კვირა [IV] მწ

წმ. იადვიგა, მონ., +1243;

წმ. მარგარიტა მარია ალაკოკ, ქალწ., +1690

2017 ორშაბათი

რომ 1,1-7; ფს 97; ლკ 11,29-32

ვიყოთ მოციქულები,
რათა მისი სახელით დავეთმოჩილოთ
სარწმუნოებას ყველა ხალხები რომ 1,5

„მოციქულნი“ ამ სიტყვის სრული მნიშვნელობით არიან თორმეტნი და მათი მემკვიდრენი, ეპისკოპოსნი. თუმცა კი იესოს ყოველი მოწაფე, მისი ეკლესიის ყოველი წევრი „მოციქულია“, ანუ, „მივლენილი“ ხალხთა შორის და ხალხში იმის სამოწმებლად, რომ ღმერთი სიყვარულია. და მხოლოდ ღმერთის სიყვარულის გამოცდილება თუ დაგვებმარება მივენდოთ და დავცვეთ მას, სერიოზულად მივიღოთ მისი გამოცხადება და მითითებანი.



17 ოქტომბერი

რიგითი XXVIII კვირა [IV] 6

წმ. ეგნატე ანტიოქიელი, ეპ. და წამ., +~107 (მ)

2017 სამშაბათი

რომ 1,16-25; ფს 18; ლკ 11,37-41

თუმცა შეიცნეს ღმერთი, არ აღიდეს იგი რომ 1,21

თუკი ბოლომდე ჩავიკითხავთ წმიდა პავლეს ამ ნაწერს, დავინახავთ, როგორ მეორდება დღესაც ის მდგომარეობა, რომელსაც იგი აღწერს: მრავალნი, გულის დამაბრმავებელი ვნებების მიზეზით შორ-დებიან ჭეშმარიტებას, რომელსაც ყოველი ჯანსაღი მხერა სწვდება. ადამიანისთვის უღირსი სახით მოქცევით ისინი არა სცემენ თაყვანს შემოქმედს. ჩვენი საქმე არაა არავის განსჯა, თუმცა კი მოგვეთხოვება სიფხიბლე საკუთარ თავზე და ჩვენს შვილებზე, და მრავალი ღოცვა მათთვის.



18 ოქტომბერი

წმ. ლუკა, მახარებელი, დ, [ს], წ

(5.X) წმ. ღირსი გრიგოლ ხანძთელი, +861;
კლარჯეთის უდაბნოს ღირსნი მამანი და დედანი, VIII-IX სს.

2017 ოთხშაბათი

2ტიმ 4,10-17; ფს 144; ლკ 10,1-9

სამკალი ბევრი, მუშაკნი კი ცოტა ლკ 10,2

მამაო სახიერო, დღეს გევედრები – როგორცა
მთხოვს ამას შენი ძე იესო –, რომ *მოავლინო*
მუშაკნი შენს სამკალში: სამუშაო ნამდვილად
ბევრია! კვლავაც მიმიღე მე, ჩემი პატარა
ცხოვრებით; აღავსე ის შენი სულით, რათა ყოველი
ჩემი ამოსუნთქვა, ყოველი ჩემი ნაბიჯი თუ აზრი,
შენდამი მოძღვნილი სიყვარული იყოს, შენი
სამკალის კეთილი მუშაკის ნამუშევარი!



19 ოქტომბერი

რიგითი XXVIII კვირა [IV] მწ

წმმ. იოანე დე ბრეზევი და
ისააკ უოგი, ხუც. და მეგ., წამ., +XVII ს.;
წმ. პავლე ჯვრისა, ხუც., +1775

2017 ხუთშაბათი

რომ 3,21-30; ფს 129; ლკ 11,47-54

**რწმენით მართლდება კაცი, რჯულის
საქმეთაგან დამოუკიდებლად** რომ 3,28

რამდენი იკამათეს ამაზე ქრისტიანებმა...

უფალო იესო, მწამს შენი! შენი სულის ნათლითა და ძალით შემეწიე, ვიცხოვრო სიყვარულში, შენი სიტყვისამებრ. ოღონდ, არა იმისათვის რომ შენს წინაშე „ქულები“ დავაგროვო (რაოდენ ამპარტავ-ნული სურვილი იქნებოდა ეს ჩემი მხრივ), არამედ რათა მადლობა გითხრა რომ უკვე გიყვარვარ, უკვე გასწირე შენი თავი ჩემთვის და უკვე მომიმზადე ადგილი შენს გვერდით. ბევრჯერ ვერ ვიქნები ჩემი მოწოდების სიმაღლეზე, მაგრამ ვენდობი შენს გულმოწყალებას, რომელიცაა ჩემი ხსნა.



20 ოქტომბერი

რიგითი XXVIII კვირა [IV] მწ

2017 პარასკევი

რომ 4,1-8; ფს 31; ლკ 12,1-7

ნუ გეშინიათ, მრავალ ბედსურაზე
მეტი ხარო ლკ 12,7

„ნუ გეშინიათ!“ – ეს მოხმობა-ბრძანება ბიბლიაში 365-ჯერ გვხვდება, წელიწადის ყოველ დღეს რომ ეყოს! უფალს სურს დაგვეხმაროს, რომ გვახსოვდეს მისი, ზეცისა და მიწის ღმერთის სიყვარული, ძლიერი სიყვარული. ისევ და ისევ მას სურს დაგვეხმაროს, მას გადავცეთ ჩვენი ცხოვრება, ნდობით, დღითი დღე. გვსურს დავიწყოთ გაბედულად, დღესვე!



21 ოქტომბერი

რიგითი XXVIII კვირა [IV] მწ

2017

შაბათი

რომ 4,13.16-18; ფს 104; ლკ 12,8-12

წმიდა სულის შემოწმება არ მიეცევა ლკ 12,10

სული წმიდის გამოცხადება ნიშნავს, იმის მიუხედავად, რომ მიღებული გვაქვს ამის ნიშნები, არ ვაღიაროთ რომ იგი, მამის სიყვარული და ძალა, მოქმედებს იესოში. ამ ცოდვის მიტევება შეუძლებელია, უბრალოდ იმიტომ, რომ მხოლოდ იესოა მაცხოვარი, მის გარეშე არ არსებობს ღვთის მიტევება. ხოლო ის, ვინც ღებულობს მას როგორც მამისაგან მოვლენილს, შეუძლია მივიდეს მასთან სასოებით, პატიების სათხოვნელად ყველაზე მძიმე ცოდვებისთვისაც კი.



22 ოქტომბერი

რიგითი XXIX კვირადღე, «ა», [I], მ6

2017

კვირა

ეს 45,14-6; ფს 95; 1თეს 1,1-5; მთ 22,15-21

მისიების მსოფლიო დღე, შესაწირი მისიებისათვის

**ნებადართულია თუ არა
კეისრისათვის ხარკის გადახდა?** მთ 22,17

ამ ეშმაკურად დასმული კითხვით, იესო, შენი მოწინააღმდეგენი ცდილობენ მიგიმწყვდიონ... შენ პასუხობ მათ სიბრძნით სავსე სიტყვებით: თუკი ვსარგებლობთ კეისრის სამსახურით, მივცეთ კიდევ რაც მას ეკუთვნის. ოღონდ ნათლად გვახსოვდეს: სიცოცხლე, სიყვარული მხოლოდ მამისაგან მომდინარეობს და მხოლოდ მას უნდა დაუბრუნდეს! სადაც წესრიგია, იქაა შესაძლებელი მშვიდობა.



23 ოქტომბერი

რიგითი XXIX კვირა [I] მწ

წმ. იოანე კავესტრანელი, ხუც., +1456

2017 ორშაბათი

რომ 4,20-25; საგ.: ლკ 1,68-75; ლკ 12,13-21

ის რატო დააგზოვე, ვის დარჩება? ლკ 12,20

იესო, შენ ჩემთვის შვილების მოცემა არ გიფიქრია, მაგრამ მეცა მყავს ხალხი, ძალიან მრავალნიც, ვისთვისაც შემიძლია შრომა და გარჯა. მსურს გავუმზადო მათ გზა, რომელზეც შენ შეგხვდებიან! ესა სურს, რა თქმა უნდა, ყოველ ქრისტიან მშობელს. ერთად ვიქნებით ბედნიერები, მამის გულში!



24 ოქტომბერი

რიგითი XXIX კვირა [I] მწ

ნმ. ანტონ მარია კლარეტი, ეპ. +1870;
ნ. ჯუმევე ბაღდო, ნმ. იოსების პატარა ქალიშვილთა
კონგრეგაციის დამაარსებელი, +1915, თ

2017 სამშაბათი

რომ 5,12.15.17-19.20-21; ფს 39; ლკ 12,35-38

სადაც ცოდვამ იმრავლა,
ყოფრო გასუხვდა მადლი რომ 5,20

ეს სიტყვა გვეხმარება გული არ გავიტეხოთ საკუთარი ცოდვების შემხედვარე: თუკი თავმდაბლად და სასოებით გადავცემთ მათ იესოს, ისინი გადაიქცევა მის სიყვარულში ზრდის შესაძლებლობად. მრავალჯერ განმიცდია ეს თავად. ერთ დღეს სევდა შემომაწვა, რადგან ერთი ძმის მიმართ სიყვარულში მოვიკოჭლებდი. შევჩივლე ერთს, რომელმაც შემახსენა, რომ იესოს ყველაფრის გამოსწორება შეუძლია. მაშინვე განათდა: იმ ძმისთვის უნდა მეთხოვა პატიება იესოს სახელით! მაშინვე დაუბრუნდა მშვიდობა ჩემს გულს.



25 ოქტომბერი

რიგითი XXIX კვირა [I] მწ

2017 ოთხშაბათი

რომ 6,12-18; ფს 123; ლკ 12,39-48

ვისაც ბევრი მიუცა, ბევრი მოუკითხებან ლკ 12,48

როგორც სიყვარულით სავსე ოჯახში ეკლესიაშიც არ უნდა ვუყუროთ ერთმანეთს შურიტ. ვისაც ბევრი აქვს მიღებული უფლისაგან, ის უფრო მნიშვნელოვან დავალებებს ასრულებს, რაზეც ანგარიშის ჩაბარება მოუწევს. ვილოცოთ ერთმანეთისათვის, რათა სიყვარულში ურთიერთმსახურებით შევძლოთ ვიხაროთ უკვე ამქვეყნად და შემდეგ ზეცაში, მამის სიტკბოებით!



26 ოქტომბერი

რიგითი XXIX კვირა [I] მწ

2017 ხუთშაბათი

რომ 6,19-23; ფს 1; ლკ 12,49-53

თქვენი ასოები სიმართლის
სამსახურში ჩააყენეთ

რომ 6,19

მოზარდობისას და სიყმაწვილისას ხშირად მემართებოდა ხოლმე რომ მბეზრდებოდა, არ ვიცოდი, რითი ამეცხოვრო. მადლობა ღმერთს, რომ იესომ თვალი ამიხილა: მას შემდეგ, რაც იგი ვიხილე, დავინახე ჩემს ირგვლივ დანი და ძმანი. შევუდექი სხვებისთვის უანგაროდ დროისა და ძალების ხარჯვას და სწორედ მაშინ დავაგემოვნე სიხარულიც.



27 ოქტომბერი

რიგითი XXIX კვირა [I] მწ

2017 პარასკევი

რომ 7,18-25; ფს 118; ლკ 12,54-59

როდესაც სიკეთის კეთება მსურს,
ბოროტი გვერდით მიწევს რომ 7,21

წმიდა პავლე, დიდი უბრალოებითა და თავმდაბლობით გვიზიარებს თავის სირთულეს... ამავე სირთულეს განვიცდით ხოლმე ჩვენც, განიცდის ყოველი ადამიანი! ოღონდ, ჩვენ ქრისტიანებს არ შეგვიძლია დავივიწყოთ, რომ ჩვენში ცხოვრობს ის, ვისაც ძალაც შესწევს და ვუყვარვართ კიდევ, იესო! მასთან ერთად გამარჯვებულნი ვართ. ჩვენი ვალია და ამავე დროს სიხარული, დავეხმაროთ პატარებს იცხოვრონ და გაიზარდონ ამ გამოცდილებაში: მათაც სჭირდებათ იესო!



28 ოქტომბერი

წმმ. სიმონი და იუდა, მოციქულნი, დ, [ს], წ

2017

შაბათი

ევ 2,19-22; ფს 18; ლკ 6,12-19

სოხუმის კათოლიკური ეკლესიის დღეობა

**მოუხშმო თავის მოწაფეებს და
ამოიღრჩია მათგან თორმეტი** ლკ 6,13

დღეს თორმეტი მოციქულიდან ორს ვზეილობთ, წმიდა სიმონსა და იუდას. მათზე განსაკუთრებული ცნობები არ გაგვაჩნია. ვიცით, რომ იესომ აირჩია ისინი სხვებთან ერთად, ლოცვაში გატარებული ღამის შემდეგ. იცხოვრეს მასთან, ისმინეს მისი მოძღვრება, იხილეს მისი ნამოქმედარი, მისი სიკვდილი და აღდგომა. მათ რწმენასა და სიყვარულს, მათ მოწმობას ემყარება ჩვენი რწმენაც. ვმადლობთ მათ და შევთხოვთ, ილოცონ ჩვენთვის.



29 ოქტომბერი

რიგითი XXX კვირადღე, «ა», [II], 86

2017

კვირა

გამ 22,20-26; ფს 17; 1თეს 1,5-10; მთ 22,34-40

მოძღვარო, რომელი მცნებაა დიდი რჯულში? მთ 22,36

იესო მტკიცედ და უბრალოდ პასუხობს კითხვას, რომელსაც ყველაზე დაფასებული რაბინები ხანგრძლივ დისკუსიებს უთმობდნენ. წმიდა სულის ნათელი აღავსებდა მის გონებასა და გულს, მის სულსა და სხეულს, და იცნობდა მამას; ხედავდა, რომ მთელ გამოცხადებაში და ყოველ მის მითითებაში სხვა არა იყო რა თუ არა სიყვარული, სიყვარული, რომელსაც იგი გვიძღვნის ჩვენ, რათა ძმებს გადავცეთ ის.



30 ოქტომბერი

რიგითი XXX კვირა [III] მწ

2017 ორშაბათი

რომ 8,12-17; ფს 67; ლკ 13,10-17

დედაკაცო, თავისუფალი ხარ შენი სუნისაგან ლკ 13,12

იესო, შენი თანამლმობი გულიდან მომდინარე
ამ სიტყვებისთვის შეეძლოთ გაეძევიანეთ
სინაგოგიდან სწორედ მათ, ვისაც მეთაურები
და მოძღვრები ერქვათ. ამავე თანამლმობამ
გაგაძლებინა ჯვარზე, სისხლით დაფარული,
წუთისოფლის ცოდვის, ჩემი ცოდვის წყევლით
დამძიმებული! თაყვანსა გცემ, იესო, თანამლმობით
სავსევ, ჩვენ საბრალონი რომ შეგვიყვარე!



31 ოქტომბერი

რიგითი XXX კვირა [II] მწ

2017 სამშაბათი

რომ 8,18-25; ფს 125; ლკ 13,18-21

სასოებით ვიქენით სსნილნი რომ 8,24

ჩვენ, რომლებსაც გვწამს იესო, დარწმუნებულნი ვართ რომ მან გვიხსნა, მამაბეცებთან თანაზიარება აღგვიდგინა. ამგვარად მშვიდ სასოებაში ვცხოვრობთ: მიუხედავად იმისა, რომ ჯერაც არ დაგვიგემოვნებია, რაც მისმა სიყვარულმა გაგვიმზადა, მასთან უღრმესი კავშირებით, ლოცვით ნასაზარდოებნი, მსახურებისათვის მზა სიყვარულით მიძღვნით, სასოებით დავდივართ წუთისოფლისა და ჩვენი ცხოვრების ბილიკებზე, ყველაზე ბნელ ბილიკებზეც, დარწმუნებულნი, რომ არ დავრჩებით იმედგაცრუებულნი: მას ხომ ჩვენი ხელი უჭირავს!

